

AKADEMIYA KURSANTLARI MADANIY HORDIQ CHIQRISHMOQDA

Mamlakatimizda yoshlarning ijtimoiy-ma'naviy bilimlarini yanada mustahkamlash va amaliy ko'nikmalarini rivojlantirish, ularning mamlakatimiz ijtimoiy hayotida amalga oshirilayotgan islohotlarning mazmun-mohiyati yuzasidan yaqindan tanishtirish, iqtidorli yoshlarni aniqlash, jamiyat hayotidagi ijtimoiy faolligini oshirish hamda yoshlarni Vatanimiz, xalqimiz, milliy qadriyatlarimiz, an'analarimiz, tarixiy-ma'naviy merosimizga hurmat va sadoqatli qilib tarbiyalash, sog'lom turmush tarzini targ'ib etish, ularning bo'sh vaqtlarini mazmunli tashkil etish, ijodiy salohiyati va ularning o'z iqtidorlarini namoyish etish uchun imkoniyat yaratishga alohida e'tibor qaratilgan.

Ma'lumki, mustaqil diyorimizda "30 iyun – Yoshlar kuni" munosabati bilan har yili o'tkazilib kelinayotgan "Yoshlar oyligi" doirasidagi ma'naviy ma'rifiy tadbirlar yoshlarimizning intellektual salohiyatlarini, iste'dod va qobiliyatlarini ro'yobga chiqarishlari hamda barcha sohalarida ulkan yutuqlarga erishlari uchun davlatimiz rahbari tashabbuslari bilan keng imkoniyatlar yaratib berilgan.

Jumladan, joriy yilning 27 iyun kuni O'zbekiston Respublikasi FVV Akademiyasining "Ma'naviyat va ma'rifat" markazida O'quv kurslari kursantlaridan iborat "Quvnoqlar va zukkolar" ko'rik tanlovi g'oliblari bo'lgan "FIREMAN" jamosining kontsert dasturi namoyishi bo'lib o'tdi. Tadbirda Akademiyaning professor-o'qituvchilari, harbiy xizmatchilari va kursantlari ishtirok etdi.

Tadbir davomida Akademiya kursantlari tomonidan aksariyat insonlar yoki tengdoshlari hayotida uchrab turadigan ko'plab muammo va kamchiliklar yumorga olinib, zo'r mahorat bilan ijro etildi. Ayniqsa, "FIREMAN" jamoasi talqinida namoyish etilgan "To'y tadbiri" sahna ko'rinishi hamda yosh estrada xonandasi Sardor Tairov tomonidan ijro etilgan "Hasratim bor" nomli taronaga "FIREMAN" jamoasi tomonidan tayyorlagan videolavha barcha ishtirokchilarda katta taassurot qoldirdi.

O'zbekiston Respublikasi
Favqulodda vaziyatlar vazirligi
Akademiyasi Matbuot xizmati